

LEKGETHO LA KUNO E ENTSWENG KA MORA

THEKISO YA DITHOTO

Kuno e entsweng ka mora thekiso ya dithoto (CGT) ha se lekgetho le leng le ka thoko empa ke karolo ya lekgetho la lekeno. Kuno ya tjelete e etsahala ha o lesa thepa ka la kapa ka mora la 1 Mphalane 2001 hodima merokotso e fetang ditjeo tsa motheo.

Molao ona a amehang o ka hara Sejule ya Borobedi ya Molao wa Lekgetho la Lekeno, wa Nomoro ya 58 wa 1962.

Dikuno tsa tjelete di lefiswa lekgetho ka sekgahla sa lekgetho se tlasana ho sa lekgetho le tlwaelehileng. Dikuno tsa tjelete le ditahlehelo tsa pele ho la 1 Mphalane 2001 ha di nkelwe hloohong mona. Ha se dithepa tsohle tse hohelang CGT mme ho na le dikuno le ditahlehelo tse itseng tsa tjelete tse sa natsweng.

Lekgetho le tshwarang le ama barekisi ba thepa e sa tsamayeng bao e seng baahi ba naha (karolo ya 35A). Bokaalo bo tshwerweng ke moreki bo sebetsa jwalo ka tefo e entsweng pele e mabapi le sekoloto sa moreki sa lekgetho la lekeno sa makgaolakang.

Le tobile mang?

CGT e ama batho ka bomong ba bona, ditherasete le dikhampani.

Moahi, ho latela tihaloso ya Molao wa Lekgetho la Lekeno wa 58 wa 1962, o jara boikarabelo ba CGT hodima dithepa tse leng ka hare le ka ntle ho Afrika Borwa.

Eo e seng moahi o jara boikarabelo ba CGT ha feela e le hore thepa e sa tsamayeng e Afrika Borwa kapa hodima dithepa tsa "setheo sa ho ya ho ile" (lekala) se Afrika Borwa. Ditabatabelo tse itseng tse sa tobang hodima thepa e sa tsamayeng tse kang diabo thepeng ya khampani di nkuwa e le thepa e sa tsamayeng.

Batho ba bang ba kang matlole a peho ya meja fatshe ha ba angwe ke CGT hohang. Mekgatlo e tswelang setjhaba molemo e ka nna ya se amehe hohang kapa karolwana e itseng ya yona e ka se amehe.

Ebe CGT e sebetsa jwang ho tse mabapi le lefa?, [tobetsa mona ho fumana lesedi le fetang lena.](#)